

Capo 0 (Am)

Cù e sciume chì vanu à imbiancà l'orizzonte
Purtate da u mare peregrinu eternu
Cù e neve chì stanu appese à i monti
Carezze di silenziu rigalu di l'inguernu
Cù l'omu spiranzosu fighjendu a spirata
Chì vene à risplende mezu à u timpurale
Cù l'ansciu silenziosu di a chietà attrachjate
Quandi a luna accende u più altu sciappale

Ripigliu (x2)

Mi ne vocu à cantà
E fureste di sole, i chjassi di u sperà
Eppò l'eternità

Cù l'acellu quassù in lu celu turchinu
Duve và solu, solu un nulu andarice
Cù u tempu dinù missageru divinu
Chì tramanda l'idea d'un mondu più felice
Cù u ventu istrosu chì gira centu mondi
Basgendu ogni sarra di e so dolce lapre
Cù u fiume furiosu chì và mezu à e sponde
È l'immensa dolcezza di u fiore chì s'apre

Ripigliu (x2)

Cù l'ochji illuminati da i ghjorni d'aprile
Impastati d'amore è carichi d'asgiatezza
Cù i cori infuriati da u sintimu sottile
D'appartene à a tarra è à e so billezze
Cù l'omu incatenatu privu di stellaria
À l'ora chì a notte stende u so reame
Cù u sognu strappatu in cerca d'armunia
Chì scianchighjendu và versu l'alba chì chjama

Ripigliu (x3)

.....Eppò l'eternità